

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), Vlada Zeničko-dobojskog kantona, na 7. sjednici, održanoj 22.04.2015. godine, d o n o s i

ZAKLJUČAK

I.

Prihvata se mišljenje Ministarstva za poljoprivredu, šumarstvo i vodoprivredu po Inicijativi Općinskog vijeća Maglaj na izmjenu i dopunu Odluke o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09).

II.

Zaključak sa Mišljenjem Ministarstva za poljoprivredu, šumarstvo i vodoprivredu broj: 05-1-26-6645-3/15 od 08.04.2015. godine, upućuje se u dalju Skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 22.04.2015. godine

Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

Broj: 05-1-26-6645-3/15
Zenica, 09.04.2015. godine

Vlada Zeničko-dobojskog kantona, Stručna služba Vlade uputila je ovom Ministarstvu Inicijativu Općinskog vijeća Maglaj za izmjenu i dopunu Odluke o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09), radi davanja mišljena povodom pokrenute inicijative.

U tom smislu Ministarstvo za poljoprivredu, šumarstvo i vodoprivredu daje slijedeće

MIŠLJENJE

Na osnovu člana 37. stav 1. tačka f) Ustava Zeničko-dobojskog kantona i člana 31. stav 2. Zakona o lovstvu („Službene novine Federacije BiH“, broj: 4/06), Skupština Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, na 31. sjednici, održanoj dana 04.06.2009. godine, donijela je Odluku o osnivanju lovišta na području Zeničko-dobojskog kantona.

Na navedenoj sjednici Skupštine Zeničko-dobojskog kantona prihvaćen je amandman Eseda Ahmića, da se dio površine lovišta kojom gospodari Lovačko društvo „FAZAN“ Usora, a koja se nalazi u granicama općine Usora, pripoji lovištu „Tešanjka“, Lovačkog društva „Kiseljak“ Tešanj, kojom prilikom je došlo do određenih neusklađenosti člana 3. Odluke, a vezano za utvrđivanje granica lovišta.

Na osnovu navedenog Vlada Zeničko-dobojskog kantona na 171. sjednici održanoj 10.03.2010. godine, donijela je Zaključak o utvrđivanju Prijedloga Odluke o izmjeni Odluke o osnivanju lovišta na području Zeničko-dobojskog kantona broj: 02-24-7252/10 od 10.03.2010. godine, a na Skupštini Zeničko-dobojskog kantona isti nije usvojen jer su predstavnici hrvatskog kluba poslanika u Skupštini Zeničko-dobojskog kantona, pokrenuli zaštitu vitalnog nacionalnog interesa kod Ustavnog suda.

Ističemo da je na području općine Maglaj, predmetnom Odlukom osnovano jedno Lovačko društvo „SOKO“ Maglaj, te iz navedenog razloga Sekcija lovačkog društva „Crni Vrh“ Novi Šeher, nema legitimno pravo da se izjašnjava da je Sekcija Lovačkog društva „Crni Vrh“, Novi Šeher.

Ovo Ministarstvo smatra da se po prijedlogu vijećničke inicijative ne može prihvatiti iz razloga što još uvijek Dejtonske granice između općina Maglaj i Žepče nisu opisane i na terenu obilježene, a prilikom utvrđivanja granica lovišta Komisija koja je radila na izradi prijedloga Odluke o osnivanju Lovišta na području Zeničko-dobojskog kantona, rukovodila time da se granice lovišta poklapaju sa administrativno-političkim granicama općina što je bilo i najprihvatljivije bez obzira što Zakonom o lovstvu nije propisano da će se granice lovišta poklapati sa administrativno političkim granicama općina, te da se zadrži postojeće stanje lovišta tj. broj Udruženja-Lovačkih društava koja su egzistirala do i u vrijeme donošenja predmetne Odluke.

Prilikom izrade prijedloga Odluke o osnivanju lovišta na području Zeničko-dobojskog kantona, Komisija je od svih Udruženja-Lovačkih društava tražila da dostave površine lovišta sa opisanim granicama, pa i od Lovačkog društva „SOKO“ Maglaj.

Kako iz navedenih razloga, Dejtonska granica između općina Maglaj i Žepče nije zvanično usaglašena i potpisana od strane zvaničnih predstavnika općina Žepče i Maglaj, prihvaćeno je da se granice lovišta podudaraju sa granicom općine Maglaj, u skladu sa Odlukom Visokog predstavnika kojom je utvrđena granica općina Maglaj i Žepče. Lovačka društva koja su dostavila opise granica, iste su unesene u Odluku.

Ujedno napominjemo da su u toku aktivnosti na raspisivanju Javnog poziva za dodjelu lovišta u zakup, shodno članu 18. Zakona o izmjenama i dopunama Zakona o lovstvu („Službene novine Federacije Bosne i Hercegovine“, broj: 81/14), u kojem će dio spornih površina između Udruženja-Lovačkih društava na području Zeničko-dobojskog kantona, biti izostavljene do donošenja presude Ustavnog suda.

Imajući u vidu naprijed navedeno, smatramo da predložena inicijativa nema osnova jer kako smo naveli da je postupak zaštite vitalnog nacionalnog interesa na predmetnu Odluku kod Ustavnog suda još u toku rješavanja.

S poštovanjem,

Obradivač akta:

Amira Jusufbašić

MINISTAR

Himzo Smajić